

桂平縣志卷十四

紀地

學校下 書院 賓興

書院

學校而外別立書院蓋始於唐宋之間爾時石鼓鹿洞嶽麓應天四文書院為後代作者先河石鼓在衡陽建於唐李寬鹿在洞在江西盧山建於唐李渤南唐昇平中續成之嶽麓在湖南潭州宋開寶中郡守朱洞建應天在直隸順天府宋太中祥符二年應天府民曹誠建皆於宋初經朝廷賜額咸給書鼓勳外此並有嵩陽書院在河南登封縣太室山下宋至道二年賜額又有茅山書院在江甯天聖南渡後自甯宗迄於理度兩朝書院之數見於續文獻通攷者二十有五其他

桂平縣志卷十四

紀地 學校下

一

粵東編譯公司承印

賢士大夫講學之所自為建立者猶不與焉元制凡先儒過化名賢經行之所皆命立書院明代雖無定制而隨時請建與自由設立者亦復不少迨嘉靖而後書院為權臣閹宦之所忌大遭摧毀見後潯陽書院而明亦隨之而亡清紹明統順康兩朝書院著名者漸次恢復而猶無設立通令雍正十一年始命直省建立賜以帑金乾隆元年復諭部行文督撫學政凡有書院選聘山長慎擇生徒酌定學規課程及獎叙年例而凡佻不羈與不率教者皆擯斥勿留蓋與其禁之以失士夫之心毋甯尊之以收監締之權英主用意未可淺測然其後封疆大吏振興儒雅不於學校

而於書院

舉其大者如浙江詒經精舍廣東學海堂廣致書院江蘇南菁天津蓮池湖北經心上海格致

皆由名賢鉅宦就地籌設於經史詞章攷據外兼及西學西政百年內士之通古今明中

外者卽胚胎於其間桂平學風丕變其始亦藉是爲轉移自咸同以前士人習舉業而已其稍好學者亦半從登第後交遊四方漸臻博洽鄉閭伏處始終孤陋也自兩廣督臣張之洞建廣雅書院招兩粵諸生肄業其中流風所播漸知有經史百家之學而書籍猶缺如及廣西巡撫馬丕瑤於潯陽書院設樓藏書於是四部琳琅瞻人耳目繼以莊蘊寬字思緘江蘇人程式穀字稻村江蘇人陸爾奎諸院長先後應聘而至每月課四書文外並及經史祠賦策問時事青年受

桂平縣志卷十四

紀地 學校下

二

粵東編譯公司承印

此牖迪故師範講習社之設梗阻斷於事前效果生於事後若夫舊學校則難之矣何者學官銓選有常取自舉貢司鐸已難得人來自廩增濫竽每易充數况學官監以守令則師道不尊學宮不設宿舍則修業無所故舊學校所司者索金具結起文送考暇或收受詞訟苛刻生員而已非可以轉移風氣也夫自古學術衰於上則興於下故周禮崩廢尼山設教秦政焚書魯國絃歌漢學荒蕪康成振起南北風微中說誕興是其徵矣唐宋間州郡諸學有名無實故書院踵起本馬端臨文獻通攷郡國鄉黨之學按語朱陸之徒咸藉其地以宣闡素蘊明儒湛甘泉足跡所至皆立書院以祀其

師陳獻章而鄒元標顧憲成高攀龍諸子主持國是亦賴有書院及後雖遭挫折而志節與日日爭光方諸清末僅以祠章攷據經世叢談炫博猶高一等矣今新校遍設苟飲水思源則書院之功固不可沒况人事無常世局多變今日之盛安知不轉爲昔之衰剝極而復或有君子具風雨雞鳴之思以鄉學匡正國學之失安知不在書院也今編次及之特綴言如右

潯陽書院 在城內西門街府學宮左舊名潯江書院萬曆時廣右參事南昌高則益與御史巡按武陵唐鍊以分守別署改置時高則益爲潯州分守增廳事二楹一曰崇正二曰聚義爲講

桂平縣志卷十四

紀地 學校下

三

粵東編譯公司承印

堂傍立號房六層約四十六舍以居多以上府志林有席云相傳明安福劉侍御臺以建言被謫潯潯人士從之學既卒從祀於此後書院廢舊址無攷見席作潯陽書院祀周程三天子對按府志明言以分守署改置何云無攷是盖有故焉攷明自嘉靖而後天下書院始毀於御史游敬疏斥湛甘泉倡其邪學私創書院世宗遂令有司毀之嘉靖十六年再毀於吏部尙書許讚謂撫按司府書院供億科擾亟宜查撤嘉靖十七年三毀於閣臣張居正請概行京省查革萬曆十年四毀於閹人魏忠賢矯旨毀天下書院首善所建亦被碎碑以上本續文獻通攷潯州雖地在偏隅而潯江書院之立却當朝臣嫉謗之時高唐兩公雖威武不屈然其

後土祀劉臺又爲得罪權相之人相即張居正益以璫禍從橫天

下書院不保潯江何能獨存院宇既廢則基址無敢過問事

後官吏隱暱當在意中有席當清中葉君權方盛或不忍發

其覆故以無攷爲辭然府志固明言以分守別署改置矣分

守者同知通判皆有此稱府志廨署篇云通判署舊在府堂

右時有同知署在堂左同知裁廢乃移通判署於其地雍正

八年同知萬選重修據此則府堂左右同通兩署爲雍正已

前舊物與府署同沿明制潯江書院舊址當即在其間惟府

堂右地狹不足以容六層號房四十六舍之多則以在府堂

右舊通判署爲近是並據父老相傳府署右荒園外舖宅即今

桂平縣志卷十四

紀地 學校下

四

粵東編譯公司承印

街道前 舊日多屬官地則通判署面積固廣自能多建房舍疑

陣即此冰解清之始興潯州有義學而無書院康熙二十七年武宣建義

學三十三年桂平修義學三十六年貴縣建義學而書院之設皆在乾隆後見下 明代璫禍怵人心

目於斯可見而府志叙潯陽書院事云康熙三十二年知府

阿琳捐建五十二年知府毛文銓置田資諸生膏火不知在

當時皆稱義學而非書院故黎敦位記潯陽書院田租以義

學命名文內復有皇上重道崇儒設立義學及毛公建義學

各語夫毛任後於阿琳二十年所置膏火田猶稱義學則阿

琳捐建必名義學無疑康熙三十三年阿琳兼理縣事建修

屬一 乾隆七年知府孫暉潭始以義學爲書院去潯江舊號

取名潯陽府志但云改潯陽距雍正朝命各省建立書院

時盖十有餘稔朝旨之行屢多遲滯舊政之習尙然也二十

七年知府胡南藩遷八賢祠周程三先生祀於院內二十七

年知府湯大賓知縣吳志綰重建二十七年志以自康熙以來

或爲義學或名書院基址在府學宮東隙地見林子對又黎敦

位義學田記亦言葺文廂其遷移今地當在是時按潯陽書院

地府志未重修而云然湯大賓未重建以前並未聞舊院崩毀

何以不云重修而云然湯大賓未重建以前並未聞舊院崩毀

同治四年建後進署舊建學宮內後移府前街今仍移學宮右

授訓導兩署例在資修處移則同移復則上下復其由學宮而遷

於府前街與由府前街復還於學宮事同一律舊日兩署既

桂平縣志卷十四

紀地 學校下

粵東編譯公司承印

仍移署舊址迨書院遷建西門街後兩署復還原處府志今

西門街始在分守署繼在府學署左右後在二十七年知府陸

燦增建後堂以祀周程仍復潯江書院舊名四十九年水圯

五十一年知府陳玉麟重修道光三年孫世昌仍改爲潯陽

書院重書匾額咸豐間燬於兵燹膏火租田亦多遺失同治

三年桂平知縣徐延旭查復有記十年知府固魯鏗捐建講

堂後宅及旁廡儀門併派膏火田三百餘金且爲之記以上

志光緒十六年廣西巡撫馬丕瑤命知府王森在中座建樓

藏書二十八年知府張祖祺在院開師範講習社撤藏書樓

下左右房通作講堂堂前塗蓋瓦備諸生休憩閱書報三十

年改爲潯郡中學預備科三十二年借作桂平師範學堂三十四年借作桂平中學堂後又借作桂平高等小學校民國五年桂平借開修志局七年局撤八年駐札陸軍計全院三座東向前座正大門左右各有二房如古家塾制中座爲大堂後座舊爲山長脊屬住宅中有一廳左右各一房兩旁長廊各有六房房容四人後座背有園雜植羣卉前座外有大院院北爲外大門北向左右有房規模不小然比之明代在分守別署房六層三十六舍則遠遜矣各記俱詳紀文

桂邑書院 始在縣城東明天啓四年右參政曾守身以其遺址建桂平縣學宮縣學宮始在城外官園曾守身遷建於故書院崇禎二年後遷官園清遷建今地

桂平縣志卷十四

紀地 學校下

六

粵東編譯公司承印

有記云城東故書院址枕黔帶鬱二水滙於左爲鐔江龍山蜿蜒萃爲支壠甚白石洞天峙其前儼然卓筆峰也是以妥聖靈毓人文其可已據此則舊日書院卽在今城東門外南向故曰枕黔帶鬱黔水在後鬱水在前也更曰白石洞天峙其前則其爲南向益確矣何以僅存遺址得以移建學宮於其間蓋明白萬歷以後書院被權臣查革其後復遭宦官矯旨拆毀時潯江書院舊日已經銷滅則桂邑書院不能獨存也崇禎二年縣學復還官園而書院未聞恢復縣署後舊有義學而學舍褊淺潯陽書院旣興肄業生童咸起而歸之於是義學日漸傾頽久而蕪沒以上當是乾隆二十七年事乾隆

三十八年知縣盧焜於慶祝街縣學左建縣學宮自康熙間校

得地前廣十五丈三尺後廣九丈五尺左長十五丈五尺右

長二十六丈五尺遂捐廉倡建中奉周程三夫子外問奇亭

兩旁書舍前育賢堂錢塘范武題今佚又前大門右旁南向綜

計二十六檻凡諸井竈罔不具備繚以周垣於其西南置文

閣費千九百金顏曰桂邑書院舊以桂邑名稱不雅取名西

山改曰思陵此是明朝故事至是復從其朝工竣捐修聘邑舉人陳

良士為山長生童膏火由紳士捐助尙屬不敷因查得潯陽

書院前府毛文銓捐置隆義戶田租九千六百觔田廣土腴

可加租穀請於府得令傳諭各佃集詢於庭酌加租穀一萬

桂平縣志卷十四

紀地 學校下

七

粵東編譯公司承印

零四百觔湊成二萬觔以一萬觔撥入桂邑書院備充膏火

歸縣管理道光廿七年邊警寢劇學務鬆弛膏火田租短缺

日甚咸豐二年城陷書院齋舍遭燬同治三年知縣徐延旭

查復田租十一年知縣李世椿撥銀二百圓充膏火田與潯

陽書院共租得十之四此蓋統徐延旭查復田租及同治十年知府固魯鏗添購潯陽書院膏火

田三百餘金合計光緒十四年知縣李宗庚撥公款修復規模彷彿

昔年而問奇亭則無矣自潯陽書院開設師範講習社後桂

邑書院亦改作桂平小學堂宣統間改立桂平中學校民國

改名桂平中學校撤去前面照牆與文昌宮通連一氣栽植

林卉於其中院北別闢操場場邊有池游鱗可數池邊細磚

成路楊柳高垂俱改立學堂時栽置據府志舊縣志并參攷續文獻通攷節錄曾守

身桂平縣學記陸燦桂邑書院記徐延旭查復潯陽桂邑書院田租記各記俱見紀文

按舊志據盧令書院租穀碑節錄潯陽書院舊碑載毛文銓所置膏火田坵數外另有二碑一載永和里田租所供兵資差糧雜費羨餘穀十八石充桂邑書院公費一載學宮五王殿左旁圍牆外地一所舊義學地一所俱有四至丈尺別詳紀地食貨田賦後今識其略於此以便查檢

賓興

古制國於賢者待之以賓易曰利用賓於王書堯典曰賓于四門洪範八政賓居其一詩鹿鳴以燕饗嘉賓其義古矣北

桂平縣志卷十四

紀地 學校下

八

粵東編譯公司承印

齊以賓館欸盧景裕實本經旨然欲賓于上宜先教於下故

周禮設鄉大夫以三物教萬民書其賢能而賓興之周禮出於戰國

學者之手多採用儒自趙宋而後諸路有賓興之制由是而

立宋紹聖元年詔縣學生三歲不赴升試者除其籍諸路賓興會試辟雖獨常州中選者多後世賓興之名始見於此

其實亦書院之類蓋書院為鄉學通稱古者家塾立於宗廟門側故今廣東祖祠多名書塾或竟名書院賓興掌於鄉大夫亦屬鄉學與家塾相聯故鄰縣平南賓興亦名龔州書院義非杜撰也賓興立於鄉先輩神主與書院祀經過先賢神主同一用意今縣內中學校實產自賓興諸里小學亦復類是其轉移風氣不亞於書院故連類記之若有黠徒覬覦公產施其破壞則又闔人魏忠賢

之流也

闔邑賓興 在城內西門街北沿馬家塘南與潯陽書院夾

巷而立光緒十二年建先是清世學官俸薄全籍童生入學

結金糊口學結金詳多者索至數百金少亦非具數十金不允

出結貪士每以為苦至鄉會兩試道里遼遠往往因川費難

籌一經落第不復再試故野多遺賢其登第者後分發部院

又以俸慳難度朝夕改求外放故百里之內無識朝局達民

隱之人縉紳憂之乃集二十一里士紳捐建大賓興除勸捐

會酒費及捐而欠交者不計外實得銀四萬零五百七十四

兩八錢五分六釐中都里銀六千零三十九兩三錢一分宣一里銀三千五百六十九兩五錢五分五厘吉一里銀二

桂平縣志卷十四

紀地 學校下

九

粵東編譯公司承印

千九百四十九兩二錢二分一厘宣二里銀二千八百八
五兩九錢一分九厘秀一里銀二厘二錢一分三厘吉二
銀十二兩九錢九分九厘秀二里銀一厘六錢七分七厘
三兩九錢九分九厘秀二里銀一厘六錢七分七厘吉二
錢一分八厘中秀里銀一厘六錢七分七厘吉二里銀一
里銀一分八厘中秀里銀一厘六錢七分七厘吉二里銀一
百六分崇姜里銀錢二分四厘趙里銀一厘六錢七分七
錢八分崇姜里銀錢二分四厘趙里銀一厘六錢七分七
銀十一兩五百錢三十都里銀一錢一分八厘一軍一陵
二里銀九百五錢三十都里銀一錢一分八厘一軍一陵
八錢一分九百二里銀八兩七錢三分八厘八錢一分九
八錢一分九百二里銀八兩七錢三分八厘八錢一分九
分武平里銀二錢零五釐厚祿一里銀六分計確實交到之
纔即購置田產舖宅出租取息以津貼歲科文武童大小結

及諸生鄉試舉人會試水脚與京官宿京旅費並定給新科
詞翰進士舉人優拔各花紅復在縣學宮南教育塘北購曠

地一所預備建館因急於辦事暫購關吏李姓居宅作權宜之計詳前舖內上下兩座上座東向中有廳廳左右房各一下座西向廳房數與上座同兩座北有小廳一房四再北則廚浴廁所咸在焉兩座南有轎廳一房一再南爲大門南向臨街大門左爲門房閱十數年以事多欸絀不能另建爰於上座後購譚宅地添建大廳預備安立神主大廳右建客廳一北向左右有房客廳西有小廳一東向小廳右爲廚房大廳右建貯穀倉一所內有房三賓與租穀向以銀折耕前有先繳而當時建立穀倉實改爲收穀之意特未能實行耳光緒三十一年科舉廢道員莊思緘去賓興匾額改作潯州學務公所旋改作桂平首邑學務公所其後

桂平縣志卷十四

紀地 學校下

十

粵東編譯公司承印

爲桂平勸學所民國元年復改名賓興所有科舉時舊例與興學後新章暨財用出入各章程分見於學制民治風俗各篇詳祀地

上都里賓興 在西門內府學宮後同治八年建府志有上中

下三座左右兩廓後有園樹圍牆

城廂賓興 在城隍街南向同治間建光緒三十二年拆卸以遺址及舊料建造學堂

軍陵里賓興 在城內福壽坊督學署前之右光緒二十年購黃江泰宅改建一連三座南向民國八年因軍陵里高等小學堂經費不敷割上座變賣取價添購田租以資補助軍陵

賓興早有田業
出息至是添買

白石賓興 在縣南白石山同治六年上秀中秀下都三里

合建據府志
修改

宣二里賓興 在大宣墟府志

宣一里賓興 在大黃江墟今為宣里高等小學校補訪

按自闔邑賓興成立後各里聞風繼起多捐貲籌置嗣因
科舉既廢存款移作學費遂不復設立以上所錄特舉其
已經建築者耳縣內賓興不止此數也